

摛藻堂四庫全書薈要

史部

欽定四庫全書叢書要

史部

水經注卷三

四

詳校官編修臣繆晉



欽定四庫全書
水經注卷三

史部

後魏 鄭道元 撰

河水案二字原本訛在經文又北上
近刻又增河水三三字表目

又北過北地富平縣西

河側有兩山相對水出其間即上河峽也

案近刻
脫也字世

謂之為青山峽

案近刻
脫峽字

河水歷峽北注枝分東出河

水又北逕富平縣故城西

案此十一字原本及近刻
並訛作經今考經舉當時

郡縣至道元時或廢或徙

案部原本

注是以目為故城後並同

案持近刻據

漢書作改正治縣城王莽名郡為威戎縣曰持武

案持近刻作特漢書

恃建武中曹鳳字仲理為北地太守政化尤異黃龍

案持近刻據

應于九里谷高岡亭角長三尺大十圍梢至十餘丈

天子嘉之賜帛百匹加秩中二千石河水又北薄骨

律鎮城

案此九字原本及近刻並訛作經

在河渚上

案在字上近刻衍城字

連果城也桑果餘林仍列洲上但語出戎方

案語近刻訛作

諸不究城名訪諸耆舊咸言故老宿彥云

案云近刻作言赫

諸不究城名訪諸耆舊咸言故老宿彥云

案云近刻作言赫

連之世有駿馬死此取馬色以為邑號故曰城為白

口駟韻之謬遂仍今稱所未詳也河水又逕典農城

東

案此八字原本及近刻並訛作經又下應脫北字

世謂之胡城又北逕上

河城東世謂之漢城薛瓚曰上河在西河富平縣即

此也馮參為上河典農都尉所治也

案漢邊郡置農都尉主屯田殖

穀馮參乃農都尉典字衍
典農之名始于建安中

河水又北逕典農城東

案此二字原

九字近刻訛作經

俗名之為呂城皆參所屯以事農

案原本脫

本有

河水又東北逕廉縣故城東

案此十一字原本及近刻並訛

經作王莽之西河亭地理志曰卑移山在西北河水又

北與枝津合

案此八字原本及近刻並訛作經北訛在與字下

水受大河東

北逕富平城所在分裂以溉田圃北流入河今無水

爾雅曰灘反入言河决復入者也河之有灘若漢之

有潛也河水又東北逕渾懷障西

案此十字原本及近刻並訛作經

地理志

案志下近刻衍曰字渾懷都尉治塞外者也太和初三

齊平徙歷下民居此遂有歷城之名矣

案城近刻作地南去

北地三百里

案北地近刻訛作北城

河水又東北歷石崖山西

案此十字原本及近刻並訛作經

去北地五百里

案北地近刻訛作北城

山石

之上自然有文畫若虎馬之狀

案虎太平御覽引作獸近刻訛作戰

然成著類似圖焉故亦謂之畫石山也

又北過朔方臨戎縣西

河水東北逕三封縣故城東漢武帝元狩三年置十

三州志曰在臨戎縣西百四十里

案四近刻作三

河水又北

逕臨戎縣故城西

案此十一字近刻訛作經

元朔五年立舊朔方

郡治王莽之所謂推武也

案河水又北至此共二十九字原本脫近刻有河

水又北有枝渠東出謂之銅口東逕沃野縣故城南
案此二十一字原本及近刻並訛作經漢武帝元狩三年立王莽之綏

武也枝渠東注以溉田所謂智通在我矣河水又北屈而為南河出焉河水又北迤西溢於窳渾縣故城

東案此二十五字原本及近刻並訛作經漢武帝元朔二年開朔方郡

縣即西部都尉治案縣即二字近刻有道自縣西北

出雞鹿塞王莽更郡曰溝搜縣曰極武其水積而為

屠申澤澤東西百二十里故地理志曰屠申澤在縣

東即是澤也閩駟謂之窳渾澤矣

案近刻脫字

屈從縣北東流

案近刻脫東字此句原本及近刻竝誤入注內接謂

之渾澤矣下今考文義乃

承上經臨戎縣

非注文體例

河水又屈而東流爲北河

案此十字原本及近刻竝訛作經今考其脈絡乃承

上注屈而爲南河又北迤西之文

漢武帝元朔二年大將軍衛青絕

梓嶺梁北河是也

案此二十字原本及近刻竝訛在後王莽之監河也下至河目縣西

上東逕高闕南

案此五字原本及近刻竝訛作經接爲北河下

史記趙武靈

王既襲胡服自代並陰山下至高闕爲塞山下有長

城長城之際連山刺天其山中斷兩岸雙闕善能雲
舉望若闕焉即狀表目案即近刻訛作節故有高闕之名也
自闕北出荒中闕口有城跨山結局謂之高闕戍自
古迄今案自近刻作上常置重捍以防塞道漢元朔四年衛
青將十萬人敗右賢王于高闕即此處也河水又東
逕臨河縣故城北漢武帝元朔三年封代恭王子劉
賢爲侯國王莽之監河也

至河目縣西案此五字原本及近刻並誤入注內接梁北河是也下

河水自臨河縣東逕陽山南

案此十一字原本及近刻並訛作經今考文義

乃承上注文臨河縣

漢書注曰陽山在河北指此山也東流逕

石跡阜西是阜破石之文悉有鹿馬之跡故納斯稱

焉

案近刻作故斯阜納稱焉

南屈逕河目縣在北假中

案近刻在訛作左脫

中地名也

案此三字亦注內之小注

自高闕以東夾山帶河陽山

以往

案近刻作去朱謀
埠云宋本作西

皆北假也史記曰秦使蒙恬

將十萬人北擊胡度河取高闕據陽山北假中是也

北河又南合南河南河上承西河

案近刻脫
南河二字

東逕臨

戎縣故城北又東逕臨河縣南又東逕廣牧縣故城
北東部都尉治案東上近刻行有字王莽之鹽官也逕流二百
許里東會于河河水又南逕馬陰山西案此九字原本訛作經南近刻作東漢書音義曰陽山在河北陰山在河南謂
是山也而即實不在河南史記音義曰五原安陽縣
北有馬陰山今山在縣北言陰山在河南又傳疑之
非也余按南河北河及安陽縣以南悉沙阜耳無佗
異山故廣志曰朔方郡北移沙七所而無山以擬之

是義志之僻也

案義志近刻作議誌

陰山在河東南則可矣河

水又東南逕朔方縣故城東北

案此十三字原本詩及近刻竝訛作經詩

所謂城彼朔方也漢元朔二年大將軍衛青取河南

地爲朔方郡使校尉蘇建築朔方城即此城也王莽

以爲武符者也按地理志云金連鹽澤

案金近刻訛作今

青

鹽澤竝在縣南矣又按魏土地記曰縣有太鹽池其

鹽大而青白名曰青鹽又名戎鹽入藥分漢置典鹽

官

案近刻訛作典官鹽

池去平城宮千二百里

案城近刻訛作地

在新

秦之中服虔曰新秦地名在北方千里如淳曰長安
以北朔方以南也薛瓚曰秦逐匈奴收河南地徙民
以實之謂之新秦也

屈南過五原西安陽縣南

案此十字原本及近刻竝訛
入注內接謂之新秦也下

河水自朔方東轉逕渠搜縣故城北

案此十四字原本及近刻竝訛

作地理志

案志下近
刻行曰字

朔方有渠搜縣中部都尉治王

莽之溝搜亭也禮三朝記曰北發渠搜南撫交趾此

舉北對南

案舉近刻
訛作與

禹貢之所云析支渠搜矣河水

又東

案近刻脫東字

逕西安陽縣故城南

案近刻脫縣字南字

王莽更

之曰漳安矣

案漳近刻訛作障

河水又東

案近刻脫又字

逕田辟城

南地理志曰故西部都尉治也

屈東過九原縣南

案此七字原本及近刻竝誤入注內接西部都尉治也下

河水又東逕成宜縣故城南

案此十字原本及近刻竝訛作經今考成宜

宜梁皆在九原之西河水又東乃承上注文田辟城

王莽更曰艾虜也河水又

東逕原亭城南

案此九字原本及近刻竝訛作經

閻駟十三州志曰

中部都尉治河水又東逕宜梁縣之故城南

案此二字原本

本及近刻竝訛作經閼駟曰五原西南六十里今世謂之石崖

城河水又東逕

案此九字原本及近刻竝訛作經閼作副今考漢書

地理志于五原郡下云東部都尉治稠陽即此稠陽城也亦謂之稠陽塞別有稠陽縣故城塞在縣西北

東部都尉治又逕河陰縣故城北

案近刻脫又字

又東逕九

原縣故城南秦始皇置九原郡治此漢武帝元朔二

年更名五原也王莽之獲降郡成平縣矣西北接對

一城蓋五原縣之故城也王莽之填河亭也竹書紀

年

案年下近刻有云字

魏襄王十七年邯鄲命吏大夫奴遷于

九原又命將軍大夫適子戍吏皆貉服矣其城南面
長河北背連山秦始皇逐匈奴並河以東屬之陰山
築亭障爲河上塞徐廣史記音義曰陰山在五原北
即此山也始皇三十三年案近刻訛作二十四年起自臨洮東
暨遼海西並陰山築長城及開南越地書警夜作民
勞怨苦故楊泉物理論曰秦始皇使蒙恬築長城死
者相屬民歌曰生男慎勿舉生女哺用餚不見長城
下尸骸相支柱其寃痛如此矣蒙恬臨死曰夫起臨

洮屬遼東城塹萬餘里不能不絕地脈此固當死也

又東過臨沃縣南

王莽之振武也河水又東枝津出焉河水又東流石門水南注之案此十九字原本及近刻竝訛作經

水出石門山地理志

曰北出石門障即此山也西北趣光祿城甘露三年

呼韓邪單于還詔遣長樂衛尉高昌侯董忠車騎都

尉韓昌等將萬六千騎送單于居幕南保光祿徐自

爲所築城也案保近刻訛作堡故城得其名矣城東北即懷

朔鎮城也其水自障東南流至臨沃城東東南注于

河河水又東逕稠陽縣故城南

案此十一字原本及近刻竝訛作經王

莽之固陰也地理志曰自縣北出石門障河水決其

西南隅又東南枝津注焉水上承大河于臨沃縣東

流七十里北溉田南北二十里注于河河水又東逕

塞泉城南而東注

案此十二字原本及近刻竝訛作經

又東過雲中楨陵縣南又東過沙南縣北從縣東屈南

過沙陵縣西

大河東逕咸陽縣故城南王莽之貢武也河水屈而
流白渠水注之案此十字原本及近刻竝訛作經水出塞外西逕定

襄武進縣故城北西部都尉治王莽更曰伐蠻案曰近刻

名世祖建武中封趙慮爲侯國也白渠水西北逕成樂城北案近刻郡國志曰成樂故屬定襄也魏土地

記曰雲中城東八十里有成樂城今雲中郡治一名

石廬城也白渠水又西逕魏雲中宮南魏土地記曰

雲中宮在雲中縣故城東四十里案近刻脫縣字白渠水又

西南逕雲中故城南故趙地虞氏記云趙武侯刻塗近

刻脫

武字自五原河曲築長城東至陰山又于河西造大城

一箱崩不就乃改卜陰山河曲而禱焉晝見羣鵠遊

于雲中徘徊經日見大光在其下武侯曰此爲我乎

乃即于其處築城今雲中城是也秦始皇十三年立

雲中郡王莽更郡曰受降案近刻脫此七字縣曰遠服矣白

渠水又西北逕沙陵縣故城南王莽之希恩縣也其

水西注沙陵湖又有芒干水案干原本訛作于據漢書改正下同出塞

外南逕鍾山山即陰山故郎中侯應言于漢曰陰山東西千餘里單于之苑囿也自孝武出師攘之于漠北匈奴失陰山過之未嘗不哭謂此山也其水西南逕武韋縣王莽之永武也又南逕原陽縣故城西又西南與武泉水合其水東出武泉縣之故城西南縣即王莽之所謂順泉者也水南流又西屈逕北輿縣故城南按地理志案志下近刻衍曰字五原有南輿縣王莽之南利也故此加北舊中部都尉治十三州志曰廣陵

有輿

案輿漢書地理志屬臨淮郡後漢屬廣陵故此加北疑太疎遠也其

水又西南入芒干水芒干水又西南逕白道南谷口

有城在右襟帶長城

案襟近刻訛作側

背山面澤謂之白道

城

案白道下近刻行南谷口有四字

自城北出有高阪謂之白道嶺

沿路惟土穴出泉挹之不窮余每讀琴操見琴慎相

和雅歌錄云飲馬長城窟及其跋陟斯途

案跋近刻訛作扳

遠懷古事始知信矣非虛言也顧瞻左右山椒之上

案椒近刻訛作樹

有垣若頽基焉沿溪亘嶺東西無極疑趙

武靈王之所築也。芒干水又西南。

案近刻訛作又南西

逕雲中

城北白道中溪水注之。水發源武川北塞中。其水南

流逕武川鎮城城以景明中築。

案近刻脫一城字

以禦北狄

矣。其水西南流歷谷逕魏帝行宮東。世謂之阿計頭

殿宮城在白道嶺北阜上。其城圓角而不方。四門列

觀城內惟臺殿而已。其水又西南歷中溪出山西南

流于雲中城北。

案此下原本及近刻並重于雲中城北五字係衍文

南注芒干

水。芒干水又西。

案近刻脫水字塞水出懷朔鎮東北。芒干南

流逕廣德殿西山下余以太和十八年從高祖北巡

届于陰山之講武臺臺之東有高祖講武碑碑文是

中書郎高聰之辭也自臺西出南上山山無樹木惟

童阜耳即廣德殿所在也其殿四注兩夏

案注近刻訛作柱夏

廈同堂宇綺井

案并近刻訛作拱

圖畫奇禽異獸之象殿之西

北使得焜煌堂雕楹鏤桷取狀古之溫室也其時帝

幸龍荒遊鸞朔北南秦王仇池楊難當捨蕃委誠重

譯拜闕陛見之所也故殿以廣德為名魏太平真君

三年刻石樹碑勒宣時事碑頌云肅清帝道振懾四
荒有巒有戎自彼氐羌無思不服重譯稽顙恂恂南
秦歛歛推亡峨峨廣德奕奕焜煌侍中司徒東郡公
崔浩之辭也碑陰題宣城公李孝伯尚書盧遐等從
臣姓名若新鏤焉其水歷谷南出山西南入芒干水
芒干水又西南注沙陵湖湖水西南入于河河水南
入楨陵縣西北緣胡山歷沙南縣東北兩山二縣之
間而出

案此二十六字為句原本及近刻竝截上九字訛作經下十七字仍屬注文

余以

太和中為尚書郎從高祖北巡親所逕涉縣在山南

王莽之墳陸也北去雲中城一百二十里縣南六十

許里有東西大山山西枕河河水南流脈水尋經殊

乘川去之次似非閼究也

案此駁正經文東過墳陵沙南之誤

又南過赤城東又南過定襄桐過縣西

定襄郡漢高帝六年置

案近刻脫帝字

王莽之得降也桐過

縣王莽更名椅桐者也河水于二縣之間濟有君子

之名

案此十三字原本及近刻並訛作經

皇魏桓帝十一年

案皇魏近刻訛作昔

漢一訛
作三

西幸榆中東行代地洛陽大賈齎金貨隨帝

後行夜迷失道徃投津長曰子封送之渡河賈人卒

死津長埋之其子尋求父喪發冢舉尸資囊一無所

損訛作貨

案囊近刻其子悉以金與之津長不受事聞于帝

帝曰君子也

案近刻脫
一帝字

即名其津為君子濟濟在雲

中城西南二百餘里河水又東南左合一水

案此九
字原本

及近刻並
訛作經

水出契吳東山西逕故里南

案南下近
刻行而字北

俗謂之契吳亭其水又西流注于河水又南樹頽

水注之

案此九字原本及近刻並訛作經

水出東山西南流右合中

陵川水水出中陵縣西南山下

案近刻脫西字

北俗謂之大

浴真山

案近刻脫真字
山下衍其字

水亦取名焉東北流逕中陵

縣故城東北俗謂之北右突城王莽之遮害也十三州志曰善無縣南七十五里有中陵縣世祖建武二

十五年置其水又西北右合一水水出東山

案出近刻訛作

自北俗謂之貸敢山水又受名焉其水西北流

案水下近

刻行

自字注于中陵水中陵水又西北流逕善無縣故城

西王莽之陰館也十三州志曰舊定襄郡治地理志

鴈門郡治

案近刻志下衍曰字

其水又西北流右會一水

案右近刻

訛作

水出東山下北俗謂之吐文水山又取名焉北

流逕鋤亭南又西流逕土壁亭南

案近刻脫又字逕字

西出峽

左入中陵水中陵水又北分為二水一水東北流謂

之沃水

案沃原本訛作流今改正

又東逕沃陽縣故城南

案故近刻訛作

次北俗謂之可不溝城王莽之敬陽也又東北逕沃

陽城東又東合可不溝水出東南六十里山下西

北流注沃水沃水又東

案近刻脫沃水二字又下衍會字

逕參合縣

南魏因參合陘以即名也北俗謂之倉鶴陘道出其

中亦謂之參合口陘在縣之西北

案陘在近刻訛作陘左

即燕

書所謂太子寶自河西

案近刻脫西字

還師參合三軍奔潰

即是處也魏立縣以隸涼城郡

案近刻郡下有也字

西去沃陽

縣故城二十里縣北十里有都尉城地理志曰沃陽

縣西部都尉治者也北俗謂之阿養城其水又東合

一水水出縣東南六十里山下北俗謂之災豆渾水

西北流注于沃水沃水又東北流注鹽池地理志曰
鹽澤在東北者也今鹽池西南去沃陽縣故城六十
五里案近刻脫縣字池水澂渟淵而不流東西三十里南北
二十里池北七里案近刻作十里即涼城郡治案近刻訛作注池西
有舊城俗謂之涼城也郡取名焉地理志曰澤有長
丞案漢官制有令有丞皆有長令長皆有丞此城即長丞所治也城西三里
有小阜阜下有泉東南流注池北俗謂之大谷北堆
案近刻訛作此佳水亦受目焉中陵川水自枝津西北流右

合一水于連嶺北水出沃陽縣東北山下

案近刻脫水字

北

俗謂之烏伏真山

案謂近刻作名

水曰誥升袁河西南流逕

沃陽縣左合中陵川亂流西南與一水合北俗謂之

樹頽水水出東山下西南流右合誥升袁水亂流西

南注分為二水左水枝分南出北俗謂之太羅河右

水西逕故城南北俗謂之昆新城

案謂近刻作名

其水自城

西南流注于河河水又南太羅水注之

案此九字原本及近刻並

訛作經

水源上承樹頽河南流西轉逕武州縣故城南

案近刻脫
州字下同
十三州志曰武州縣在善無城西南百五
十里
案近刻脫
城字南字北俗謂之太羅城水亦藉稱焉其水
西南流一水注之
案一近
刻作右水導故城西北五十里南
流逕城西北俗名之曰故槃迴城
案近刻
脱俗字又南流注
太羅河太羅河又西南流注于河河水又左得湏水
口
案此八字原本及
近刻並訛作經水出西河郡美稷縣東南流東
觀記曰郭伋字細侯
案近刻
脱字字為并州牧前在州素有
恩德老小相攜道路行部到西河美稷數百小兒各

騎竹馬迎拜伋問兒曹何自遠來曰聞使君到喜故
迎伋謝而發去諸兒復送郭外問使君何日還伋計
日告之及還先期一日念小兒即止野亭須期至乃
往其水又東南流羌人因水以氏之漢沖帝時羌蒲
狐奴歸化蓋其渠帥也其水俗亦謂之為遄波水東
南流入長城東鹹水出長城西鹹谷東入湏水湏水
又東南渾波水出西北窮谷東南流注于湏水湏水
又東逕西河富昌縣故城南王莽之富成也湏水又

東流入于河

案原本訛作
浦今改正

河水左合一水

案原本出
脫河字

善無縣故城西南八十里其水西流歷于呂梁之山

而為呂梁洪其山

案近刻
脫山字

巖層岫衍澗曲崖深巨石

崇竦壁立千仞河流激盪濤蕩波襄雷奔電洩

案電
近刻

作雲震天動地昔呂梁未開河出孟門之上蓋大禹所

闢以通河也司馬彪曰呂梁在離石縣西今于縣西

歷山尋河並無過垣

案並近刻作乃過垣
朱謀埠云當作過阻

至是乃為

河之巨險

案近刻脫
河之二字

即呂梁矣在離石北以東可二

百有餘里也

又南過西河圖陽縣東

西河郡漢武帝元朔四年置王莽改曰歸新圖水出

上郡白土縣圖谷東逕其縣南地理志曰圖水出西

東入河

案東近刻作南
蓋後人所妄改

王莽更曰黃土也東至長城

與神銜水合

案銜近刻訛
作御下同

水出縣南神銜山

案近刻
脫神字

出峽東至長城

案近刻訛作峽
山東出至長城

入于圖圖水又東逕

鴻門縣縣故鴻門亭地理風俗記曰圖陰縣西五十

里有鴻門亭天封苑

案近刻訛作宛

火井廟火從地中出圓

水又東梁水注之水出西北梁谷東南流注圓水圓

水又東逕圓陰縣北漢惠帝五年立王莽改曰方陰

矣又東桑谷水注之水出西北桑溪

案此句之下近刻又有東北桑

溪四字係衍文東北流入于圓圓水又東逕圓陽縣南

案近刻訛

作逕固陰南東流注于河河水又東端水入焉

案此八字原本及近

刻並訛水西出號山山海經曰其木多漆棟

案其下刻行

作經

水多冷石

案冷近刻訛作冷

刻行

山其草多穹窮

案即

是多冷石

案冷近刻訛作冷

端水出焉

而東流注于河河水又南諸次之水入焉

案此十字原本及近

刻並訛作經

水出上郡諸次山山海經曰諸次之山諸次

之水出焉

案近刻脫之字焉字

是山多木無草鳥獸莫居是多

象蛇

案象近刻訛作衆

其水東逕榆林塞世又謂之榆林山

即漢書所謂榆溪舊塞者也自溪西去悉榆柳之藪

矣

案柳近刻作林

緣歷沙陵屆龜茲縣西北

案近刻訛作西出

故謂

廣長榆也王恢云樹榆為塞謂此矣蘇林以為榆中

在上郡非也按始皇本紀西北逐匈奴自榆中並河

以東屬之陰山然榆中在金城東五十許里陰山在
朔方東以此推之不得在上郡漢書音義蘇林為失

是也

案失是近刻訛作失

其水東入長城小榆水合焉

案榆下近

刻衍

歷澗西北

案澗近刻訛作源

窮谷其源也又東合首積

水水西出首積溪

案近刻脫水字又重一溪字

東注諸次水又東

入于河山海經曰諸次之水東流注于河即此水也

河水又南湯水注之

案此八字原本及近刻並訛作經

山海經曰水

出上申之山上無草木而多硌石下多榛楓湯水出

焉東流注于河也

又南離石縣西

案又南下
水經注

脫過字

奢延水注之

案此五字原本及近刻並訛作經今考水經必云某水從某來注之不言從某

來者乃
注文

水西出奢延縣西南赤沙阜東北流山海經

所謂生水出孟山者也

案孟近刻訛作孟

郭景純曰孟或作

明漢破羌將軍段熲破羌于奢延澤虜走洛川洛川

在南俗因縣土謂之奢延水又謂之朔方水矣

案近刻脫

方
字東北流逕其縣故城南王莽之奢節也赫連龍昇

七年于是水之北黑水之南遣將作大匠梁公叱干
阿利叱于阿黎案近刻訛作于阿黎 改築大城名曰統萬城蒸土加功
雉堞雖久崇墉若新并造五兵器銳精利乃咸百鍊
為龍雀大鏃號曰大夏龍雀銘其背曰古之利器吳
楚湛盧大夏龍雀名冠神都可以懷遠可以柔逋如
風靡草威服九區世甚珍之又鑄銅為大鼓及飛廉
翁仲銅駝龍虎皆以黃金飾之列于宮殿之前則今
夏州治也奢延水又東北與溫泉合源西北出沙溪

而東南流注奢延水奢延水又東黑水入焉水出奢

延縣黑澗

案近刻
脫水字

東南歷沙陵注奢延水奢延水又

東合交蘭水

水出龜茲縣交蘭谷

案近刻
脫水字

東南流

注奢延水奢延水又東北流與鏡波水合

水源出南

邪山南谷東北流注于奢延水

奢延水又東逕膚施

縣帝原水西北出

龜茲縣東南流縣因處龜茲降胡

著稱又東南注奢延水

奢延水又東

案近刻
脫奢延
水三字及東字

逕膚施縣南秦昭王三年置上郡治漢高祖并三秦

復以為郡王莽以漢馬員

案馬員字季主

為增山連率歸世

祖以為上郡太守司馬彪曰增山者上郡之別名也

東入五龍山地理志曰縣有五龍山帝原水

案山下近刻衍

也自下亦為通稱也歷長城東出于白翟之中

案近刻訛

作出于赤翟之中

又有平水

案平近刻作年

出西北平溪東南

入奢延水奢延水又東走馬水注之水出西南長城

北陽周縣故城南橋山昔二世賜蒙恬死于此王莽

更名上陵時山上有黃帝塚故也帝崩惟弓劍存焉

故世稱黃帝仙矣其水東流皆段煩追羌出橋門至走馬水聞羌在奢延澤即此處也門即橋山之長城門也始皇令太子扶蘇與蒙恬築長城起自臨洮至于碣石即是城也其水東北流入長城又東北注奢延水奢延水又東與白羊水合其水出于西南白羊溪循溪東北注于奢延水案循近刻訛作巡奢延水又東入于河山海經曰生水東流注于河河水又南陵水注之案此八字原本及近刻並訛作經水出陵川北溪南逕其川西轉

入河河水又南得離石水口

案此九字原本及水出案近刻並訛作經

離石北山

案近刻脫水出二字

南流逕離石縣故城西史記云

秦昭王伐趙取離石者也漢武帝元朔三年封代共

王子劉綰為侯國後漢西河郡治也其水又南出西

轉逕隰城縣故城南漢武帝元朔三年封代共王子

劉忠為侯國王莽之慈平亭也胡俗語訛尚有平城

之稱其水西流注于河也

又南過中陽縣西

中陽縣故城在東

案陽近刻訛作南

東翼汾水隔越重山不

濱于河也

又南過土軍縣西

吐京郡治故城即土軍縣之故城也胡漢譯言音為

訛變矣

案近刻訛作皆訛偽變矣

其城圓長而不方漢高帝十一

年以封武侯宣義為侯國縣有龍泉出城東南道左

山下牧馬川上多產名駒駿同湊池天馬

案近刻訛作元河

其水西北流至其城東南土軍水出道左高山西南

注之龍泉水又北屈逕其城東西北入于河河水又

南合契水

案此八字原本及近刻並訛作經

傍溪東入窮谷其源也

又南至祿谷水口水源東窮此溪也河水又南得大

蛇水

案此八字原本及近刻並訛作經

發源溪首西流入河河水又

南右納辱水

案此八字原本及近刻並訛作經

山海經曰辱水出鳥

山

案出下近刻衍于字

其上多桑其下多楮陰多鐵陽多玉其

水東流注于河俗謂之秀延水東流得浣水口傍溪

西轉窮溪便即浣水之源也辱水又東

案辱水近刻訛作延水下

同

會根水

案會下近
刻衍于字

西南溪下根水所發而東北注

辱水

辱水又東南

案近刻脫辱
水又三字

露跳水出西露溪

案出

西近刻訛
作西出

東流又東北入辱水亂流注于河河水又

南左合信支水

水發源東露溪

案近刻
脫溪字

西流入于河

河水又南左會石羊水循溪東入導源窮谷西流注于河

又南過上郡高奴縣東

域谷水東啓荒原

案近刻
訛作源

西歷長溪西南入于河河

水又南合孔溪口

案近刻脫孔字

水出孔山南歷溪西流注

于河孔山之上有穴如車輪三所東西相當相去各

二丈許南北直通故謂之孔山也山在蒲城西南三

十餘里河水又右會區水山海經西次四經之首

案西

近刻訛作曰曰陰山西北百七十里曰申山其上多穀柞

其下多杻櫟其陽多金玉

案近刻脫其陽二字

區水出焉而東

流注于河世謂之清水東流入上郡長城

案上郡二字近刻訛

在東逕老人山下又東北流至老人谷傍水北出極

流上

溪便得水源清水又東得龍尾水口水出北地神泉
障北山龍尾溪東北流注清水清水又東會三湖水
水出南山三湖谷東北流入清水清水又東逕高奴
縣合豐林水地理志謂之洧水也故言高奴縣有洧
水肥可蘸水上有肥可接取用之博物志稱酒泉延
壽縣南山出泉水大如管注地為溝水有肥如肉汁
取著器中始黃後黑如凝膏然極明與膏無異膏車
及水碓缸甚佳彼方人謂之石漆水肥亦所在有之

非止高奴縣洧水也項羽以封董翳為翟王居之三

秦此其一也漢高祖破以縣之王莽之利平矣民俗

語訛謂之高樓城也豐林川長津瀉注北流會清水

案近刻清訛作洧

下同又脫水字

清水又南

案近刻訛作有

奚谷水注之

案奚

近刻訛
作溪水西出奚川東南流入清水清水又東注于

河水又南蒲川水出石樓山南逕蒲城東

案此十六字原

本及近刻並訛作經今本脫水出二字即重耳所奔之處也又南歷蒲

子縣故城西今大魏之汾州治徐廣晉紀稱劉淵自

離石南移蒲子者也閩駟曰蒲城在西北漢武帝置

其水南出得黃盧水口水東出蒲子城南

案近刻脫
水字出下

復衍

歷字東北入谷極溪便水之源也蒲水又南

案近刻
脫蒲水

二
字合紫川水水東北出紫川谷

案水字下近
刻衍出字

西南合

江水江水出江谷西北入紫川水紫川水又西北入

蒲水蒲水又西南入于河水河水又南合黑水

案近
刻訛

作河水入
南黑水水出定陽縣西山二源竒發同瀉一壑東

南流逕其縣北又東南流右合定水俗謂之白水也

水西出其縣南山定水谷東逕定陽縣故城南
案東近刻
更應劭曰縣在定水之陽也定水又東注于黑水亂
流東南入于河

水經注卷三

欽定四庫全書
水經注卷七千六百十五

史部

水經注卷四

後魏 鄖道元 撰

河水

案二字原本訛在經文又南上

近刻又增河水四三字表目

又南過河東北屈縣西

河水南逕北屈縣故城西西四十里有風山

案近刻脫西四

二字上有穴如輪風氣蕭瑟習常不止當其衝飄也略

無生草

案略上近刻行而字

蓋常不定

案近刻脫常字

衆風之門故也

風山西四十里河南孟門山山海經曰孟門之山其上多金玉其下多黃堊涅石淮南子曰龍門未開呂梁未鑿河出孟門之上大溢逆流無有丘陵高阜滅之名曰洪水大禹疏通謂之孟門故穆天子傳曰北登孟門九河之蹬孟門即龍門之上口也實為河之巨阨案近刻訛作實謂黃河之巨阨兼孟門津之名矣案近刻脫門字此石經始禹鑿河中漱廣夾岸崇深傾崖返捍巨石臨危若墜復倚古之人有言水非石鑿而能入石信哉其

中水流交衝素氣雲浮往來遙觀者常若霧露沾人

窺深悸魄

案魄近
刻作魄

其水尚崩浪萬尋懸流千丈渾洪

巔怒鼓若山騰濬波頽疊迄于下口方知慎子下龍

門流浮竹非駟馬之追也又有燕完水注之異源合

舍西流注河河水又南得鯉魚

案此七字原本及近
刻並訛作經又有脫

文應作
鯉魚澗歷澗東入窮溪首便其源也爾雅曰鱣鮪也

出草穴三月則上渡龍門得渡為龍矣否則點額而

還非夫往還之會何能便有茲稱乎河水又南羊求

水入焉

案此九字原本及近刻並訛作經

水東出羊求川

案近刻脫水字

逕北屈縣故城南城即夷吾所奔邑也王莽之朕北

也汲郡古文曰翟章救鄭次于南屈應劭曰有南故

加北國語曰二五言于獻公曰蒲與二屈君之疆也

其水西流注于河河又南為採桑津

案此七字原本及近刻並訛作

經春秋僖公八年晉里克敗狄于採桑是也赤水出

西北罷谷川東謂之赤石川東入于河河水又南合

蒲水

案此七字原本及近刻並訛作經

西則兩源並發俱導一山出

西河陰山縣王莽之山寧也陰山東麓南水東北與

長松水合水西出丹陽山東

案近刻訛作水
出西三陽山東東北流

左入蒲水蒲水又東北與北溪會同為一川東北注

河河水又南丹水西南出丹陽山

案此十二字原本及近刻並截上九

字訛作經下三
字仍屬注文

東北逕治官東

案近刻
脫官字俗謂之丹陽

城城之左右猶有遺銅矣其水東北會白水口水出

丹山東而西北注之丹水又東北入河

案近刻重
一東字

河

水又南黑水西出丹山東

案此十一字原本及近刻
並截上六字訛作經下五

字仍屬而東北入于河河水又南至崿谷傍谷東北
注文

窮澗

案此十三字原本及近刻並截上九字訛作經下四字仍屬注文

水源所集也

西南流注于河河水又南洛水自獵山枝分東派東

南注于河

案此十九字原本及近刻並訛作經

昔魏文侯築館洛陰指

謂是水也

又南過皮氏縣西

案此經原本及近刻並訛在赤水出西北罷谷川東之前

皮氏縣王莽之延平也故城在龍門東南不得延逕

皮氏方届龍門也

案此注原本及近刻並訛在上注之末接指謂是水也下

又南出龍門口汾水從東來注之

昔者大禹蕪河積石疏決梁山謂斯處也即經所謂

龍門矣魏土地記曰梁山北有龍門山大禹所鑿通

孟津河口廣八十步巖際鷁跡遺功尚存岸上並有

廟祠祠前有石碑三所二碑文字秦滅不可復識一

碑是太和中立竹書紀年晉昭公元年河赤于龍門

三里

案近刻河

下有水字梁惠成王四年河水赤於龍門三日

京房易妖占曰河水赤下民恨河水又南右合暢谷

水

案此九字原本及
近刻並訛作經

水自溪東南流逕夏陽縣西北

東南注于河河水又南逕梁山原東

案此九字原本及
近刻並訛作

經

原自山東南出至河

案原自近刻
訛作自原

晉之望也在馮

翊夏陽縣之西北

案近刻
脫北字

臨于河上山崩壅河三日

不流晉侯以問伯宗

案近刻以
下衍此字

即是處也春秋穀梁

傳曰成公五年梁山崩遏河水三日不流召伯尊遇

輦者不避使車右鞭之輦者曰所以鞭我者其取道

遠矣伯尊因問之輦者曰君親縗素率羣臣哭之斯

流矣如其言而河流河水又南倨谷水注之

案此字原本

及近刻並訛作經

水出縣西北梁山東南流橫溪水注之

案近

刻脫水字

水出三累山其山層密三成故俗以三累名山

案近刻脫
峯字下同

斯山豈亦崑崙

按爾雅山三成為崑崙丘

丘乎山下水際有二石室蓋隱者之故居矣細水東流注于倨谷側溪山南有石室西面有兩石室

案西面近

刻訛作
面西

北面有二石室皆因阿結牖連扃接闔所謂

石室相距也東廂石上猶傳杵臼之跡庭中亦有舊

宇處尚髡前基北坎室上有微涓石溜豐周瓢飲似是栖遊隱學之所昔子夏教授西河

案近刻
案近刻
脫授字

疑即

此也而無以辨之

案近刻
案近刻
脫以字

溪水又東南逕夏陽縣故

城北故少梁也秦惠文王十一年更從今名矣王莽

之冀亭也其水東南注于河

案注近刻
案注近刻
訛作流

昔韓信之襲

魏王豹也以木罌自此渡河水又南右合陶渠水

案
此

九字原本及近水出西北梁山東南流逕漢陽太守

刻並訛作經

刻並訛作經

殷濟精盧南

案南朱謀璠云舊本作尚宋本作尚在吳本改為南今考原本已作南非吳本

改俗謂之子夏廟陶水又南逕高門南訛作河蓋

層阜墮缺故流高門之稱矣又東南逕華池南池方

三百六十步在夏陽城西北四里許故司馬遷碑文

云高門華池在茲夏陽

案近刻此下有西城北漢陽太守殷濟精舍四里所凡十

四字即係上文衍複在此今高門東去華池三里溪水又東南逕

夏陽縣故城南服虔曰夏陽毓邑也在太陽東三十

里

案近刻此下有城南二字亦衍文

又歷高陽宮北又東南逕司馬

子長墓北墓前有廟廟前有碑永嘉四年漢陽太守

殷濟瞻仰遺文大其功德遂建石室立碑樹桓

案近
刻訛

柏作太史公自叙曰遷生于龍門是其墳墟所在矣溪

水東南流入河昔魏文侯與吳起浮河而下美河山

之固即于此也河水又南徐水注之

案此八字原本及近刻並訛作

經南訛水出西北梁山東南流逕漢武帝登仙宮東

東南流絕彊梁原

案近刻
脫原字

右逕劉仲城北

案右近刻
訛作石

是漢祖兄劉仲之封邑也故徐廣史記音義曰邵陽

案邵近刻
訛作邵國名也高祖八年侯劉仲是也其水東南

逕于夏陵北東入河河水又南逕于夏石室東

案此
十字

原本及近刻並截上九
字訛作經東字仍為注南北有二石室臨側河崖即

子夏廟室也

又南過汾陰縣西

案原本及近刻並訛

河水東際汾陰睢

作睢下同今改正

縣故城在睢

側漢高帝六年封周昌為侯國魏土地記曰河東郡

北八十里有汾陰城北去汾水三里城西北隅曰睢

丘上有后土祠封禪書曰元鼎四年始立后土祠于

汾陰睢丘是也又有萬歲宮漢宣帝神爵元年幸萬

歲宮東濟大河而神魚舞水矣昔趙簡子沈欒徼于

此曰吾好聲色而是子致之吾好士六年不進一人

是長吾過而黜吾善君子以為能謹矣

案近刻脫長
吾二字黜訛

作黑河水又逕邵陽城東

案此八字原本及近刻並訛作經

周威烈王

之十七年魏文侯伐秦至鄭還築汾陰邵陽

案近刻訛作縣

即此城也故有莘邑矣為太姒之國詩云在邵之陽

在渭之涘又曰纘女維莘長子維行謂此也城北有

漢水案近刻訛作城
北在北漢水

南去二水各數里其水東逕其

城內東入于河又于城內側中

案內近刻
訛作南

有漢水東

南出城注于河城南又有漢水東流注于河

案近刻
流下

東字水南猶有文母廟廟前有碑

案近刻脫
一廟字

去城十五

里水即郤水也縣取名焉故應劭曰在郤水之陽也

河水又南漢水入焉水出汾陰縣南四十里西去河

三里平地開源瀆泉上湧大幾如輪深則不測俗呼

之為漢鬼古人壅其流以為陂水種稻東西二百步

南北百餘步與邵陽漢水夾河河中渚上又有一漢

水皆潛相通

案近刻作
皆相潛通

故呂忱曰爾雅異出同流為

漢水其水西南流歷蒲坂西西流注于河河水又南

逕陶城西

案此八字原本及
近刻並訛作經

舜陶河濱皇甫士安以

為定陶不在此也然陶城在蒲坂城北城即舜所都

也南去歷山不遠或耕或陶所在則可何必定陶方

得為陶也舜之陶也斯或一焉孟津有陶河之稱蓋

從此始之南對蒲津關汲冢竹書紀年魏襄王七年

秦王來見于蒲坂關四月越王使公師鴻來獻乘舟
始罔及舟三百箭五百萬犀角象齒焉

又南過蒲坂縣西

地理志曰縣故蒲也王莽更名蒲城應劭曰秦始皇
東巡見有長坂故加坂也孟康曰晉文公以賂秦秦
人還蒲于魏魏人喜曰蒲反矣故曰蒲反也薛瓚注
漢書曰秦世家以垣為蒲反案漢書作秦世家云以
垣為蒲反此史記秦本

紀語索隱曰為當
為易蓋字訛也

然則本非蒲也皇甫謐曰舜所都

也或言蒲坂或言平陽及潘者也

索潘原本訛作漢今考潘縣漢書地

理志屬上谷郡灤水章潘泉故瀆上

承潘泉于潘城中或云舜所都也

今城中有舜廟

魏秦州刺史治太和遷都罷州置河東郡郡多流雜

案近刻訛作離謂之徒民有姓劉名墮者宿擅工釀採挹

河流醞成芳酌懸食同枯枝之年排于桑落之辰故

酒得其名矣然香醑之色清白若滫漿焉別調氛氲

不與佗同蘭薰麝越自成馨逸方土之貢選最佳酌

矣自王公庶友牽拂相招者每云索郎有顧思同旅

語索卽反語為桑落也更為籍徵之雋句中書之英

談郡南有歷山

案山下近刻行也字

謂之歷觀舜所耕處也有

舜井媯汭二水出焉南曰媯水北曰汭水西逕歷山

下案西近刻訛作迺

上有舜廟周處風土記曰舊說舜墓上

虞又記云耕于歷山而始寧剡二縣界上舜所耕田

于山下多柞樹

案上虞剡並屬會稽郡順帝永建四年分上虞南鄉立始寧縣

吳越

之間名柞為櫧故曰歷山余按周處此志為不近情傳疑則可證實非矣安可假木異名附山殊稱彊引

大舜即比甯壤

案近刻訛
作寧懷

更為失誌記之本體差實

錄之常經矣歷山媯汭言是則安于彼乘矣尚書所謂釐降二女子媯汭也孔安國曰居媯水之内王肅

曰媯汭虞地名皇甫謐曰納二女子媯水之汭馬季

長曰水所出曰汭然則汭似非水名而今見有二水

異源同歸渾流西注入于河河水南逕雷首山西

八字原本及近刻並訛
作經南上近刻有又字山臨大河北去蒲坂三十里

尚書所謂壺口雷首者也

案近刻
脫也

俗亦謂之堯山山

上有故城世又曰堯城闕駟曰蒲坂堯都按地理志

曰縣有堯山首山祠

案首近刻訛作
有下脫山字

雷首山在南事

有似而非非而似千載眇邈非所詳耳又南涑水注

之

案此六字原本及
近刻並訛作經

水出河北縣雷首山縣北與蒲

坂分山有夷齊廟闕駟十三州志曰山一名獨頭山

夷齊所隱也山南有古冢陵柏蔚然攢茂丘阜俗謂

之夷齊墓也

案也字近刻
訛在其水下

其水西南流亦曰雷水穆

天子傳曰壬戌天子至于雷首大戎胡觴天子于雷

首之阿乃獻良馬四六天子使孔丘受之于雷水之
干是也晉趙盾田首山食祁彌明翳桑之下傳作提

即于此也涑水又西南流注于河春秋左傳謂之涑
川者也俗謂之陽安澗水

又南至華陰潼關渭水從西來注之

汲郡竹書紀年曰晉惠公十五年秦穆公帥師送公
子重耳涉自河曲春秋左氏僖公二十四年秦伯納
之及河子犯以璧授公子曰臣負羈紲從君巡于天

案祁左

下臣之罪多矣臣猶知之而况君乎請由此亡公子

曰所不與舅氏同心者有如白水投壁于此

案投近刻訛作

授子推笑曰

案笑近刻訛作哭

天開公子子犯以為功吾不

忍與同伍遂逃焉河水歷船司空與渭水會

案此二字原本

及近刻並

漢書地理志

案志下近刻衍曰字

舊京兆尹之屬縣

也

案尹近刻訛作郡

左丘明國語云

案此六字訛舛當作古語云

華岳本

一山當河水過而曲行河神巨靈手盪脚蹋開而
為兩今掌足之跡仍存華巖開山圖曰有巨靈胡者

徧得坤元之道

案近刻徧訛作
偏坤訛作神

能造山川出江河

案近

刻脫

所謂巨靈顛麌首冠靈山者也常有好事之士
案近刻
江字
作人故升華岳而觀厥跡焉自下廟歷列柏南行

十一里東迴三里至中祠又西南出五里至南祠謂

之北君祠諸欲升山者至此皆祈請焉從此南入谷

七里

案此近刻
訛作北

又届一祠謂之石養父母石龕木主

存焉又南出一里至天井

案又近刻
訛作入

井裁容人穴空

迂廻頓曲而上

案頓近
刻作傾

可高六丈餘山上又有微涓

細水流人井中亦不甚沾人上者皆所由陟更無別
路欲出井望空視明如在室窺窓也出井東南行二
里峻坂斗上斗下降此坂二里許又復東上百丈崖
升降皆須扳繩挽葛而行矣南上四里路到石壁緣
旁稍進逕百餘步自此西南出六里又至一祠案祠
近刻

作神名曰胡越寺神像有童子之容從祠南歷夾嶺廣

裁三尺餘兩箱懸崖數萬仞

案近刻

脫懸字窺不見底祀祠

有感則雲與之平然後敢度猶須騎嶺抽身漸以就

進故世謂斯嶺為搃嶺矣度此二里便屆山頂

案便近刻

訛作復

上方七里靈泉二所一名蒲池西流注于澗一

名太上泉東注澗下上宮神廟近東北隅其中塞實

雜物事難詳載自上宮東北出四百五十步有屈嶺

東南望巨靈手跡惟見洪崖赤壁而已都無山下上

觀之分均矣河在闕內南流潼激闕山因謂之潼闕

濩水注之

案濩原本及近刻並訛作灌今據山海經改正

水出松果之山

案近

訛作刻上北流逕通谷世亦謂之通谷水東北注于河

述

征記所謂潼谷水者也或說因水以名地也河水自

潼闢東北流水側有長坂謂之黃卷坂

案卷近刻訛作卷下同

坂傍絕澗

案近刻脫坂字

陟此坂以升潼闢所謂沂黃卷以

濟潼矣

案潼下近刻有闢字

歷北出東崤

案崤近刻訛作崤

通謂之函

谷闢也遠岸天高空谷幽深澗道之峽車不方軌號

曰天險故西京賦曰巖險周固衿帶易守所謂秦得

百二并吞諸侯也是以王元說隗囂曰請以一丸泥

東封函谷闢圖王不成其弊足霸矣郭緣生記曰漢

末之亂魏武征韓遂馬超連兵此地今際河之西有

曹公壘道東原上云李典營義熙十三年王師曾據

此壘西征記曰沿路逶迤入函道六里有舊城案近刻脫

有字城周百餘步北臨大河南對高山姚氏置閭以守

峽宋武帝入長安檀道濟王鎮惡或據山為營或平

地結壘

案地近刻訛作城

為大小七營濱帶河險姚氏亦保

據山原陵阜之上

案近刻脫陵字

尚傳故跡矣關之直北隔

河有層阜巍然獨秀孤峙河陽世謂之風陵戴延之

所謂風塘者也南則河濱姚氏之營與晉對岸河水

又東北玉澗水注之

案此十字原本及近刻並訛作經

水南出玉溪

北流逕皇天原西周固記開山東首上平博方可里

餘三面壁立高千許仞漢世祭天于其上名之為皇

天原上有漢武帝思子墓又北逕閻鄉城西

案閻原本及近

刻並訛作

閻下同

郡國志曰弘農湖縣有閻鄉世謂之閻鄉

水也魏尚書僕射閻鄉侯河東衛伯儒之故邑其水

北流注于河河水又東逕閻鄉城北東與全鳩澗水

合

案城北近刻訛作侯河又此十六字原本及近刻並訛作經

水出南山北逕皇

天原東述征記曰全節地名也其西名桃原古之桃林周武王克殷休牛之地矣西征賦曰咸徵名于桃原者也晋太康地記曰桃林在閿鄉南谷中其水又

北流注于河

案流近刻訛作河

又東過河北縣南

縣與湖縣分河蓼水出襄山蓼谷西南注于河

案注近刻

訛作流河水又東永樂澗水注之

案此十字原本及近刻並訛作經

水

北出于薄山南流逕河北縣故城西故魏國也晉獻公滅魏以封畢萬卜偃曰魏大名也萬後其昌乎後乃縣之在河之北故曰河北縣也今城南西二面並去大河可二十餘里北去首山十許里處河山之間土地迫隘故魏風著十畝之詩也城內有龍泉南流出城又南斷而不流永樂溪水又南入于河余按中山經案近刻脫山字即渠豬之水也太史公封禪書稱華山以西名山七薄山其一焉薄山即襄山也徐廣曰蒲

坂縣有襄山山海經曰蒲山之首曰甘棗之山共水

出焉而西流注于河東則渠豬之山渠豬之水出焉

而南流注于河如準封禪書二水無西南注河之理

今訛蓼水川流所趣與共水相扶永樂溪水導源注

于河又與渠豬勢合蒲山統目總稱亦與襄山不殊

故揚雄河東賦曰河靈覆踢案近刻訛作覆踢

掌華蹈襄注

云襄山在潼關北十餘里以是推之知襄山在蒲坂

溪水即渠豬之水也

案溪近刻訛作蓼

河水自河北城南東

逕芮城案此十一字原本及近刻並訛作經二城之中有段干木冢干

木晋之賢人也魏文侯過其門式其廬所謂德尊萬古芳越來今矣汲冢竹書紀年曰晋武公元年尚一

軍芮人乘京荀人董伯皆叛匪直大荔故芮也此亦

有焉紀年又云晋武公七年芮伯萬之母芮姜逐萬

萬出奔魏八年周師虢師圍魏取芮伯萬而東九年

戎人逆芮伯萬于郊案郊近刻訛作郊斯城亦或芮伯之故

畫也案畫朱謀埠云疑是疆字河水右會槃澗水案此七字原本及近刻並訛作

經右訛

作又

水出湖縣夸父山北逕漢武帝思子宮歸來

望思臺東

案思近刻訛作子

又北流入于河河水又東逕湖

縣故城北

案此十字原本及近刻並訛作經

昔范叔入閩遇穰侯于

此矣湖水出桃林塞之夸父山廣圓三百仞武王伐

紂天下既定王巡嶽瀆

案巡近刻訛作及

放馬華陽散牛桃

林即此處也其中多野馬造父于此得驥駒綠耳盜

驥之乘以獻周穆王使之馭以見西王母湖水又北

逕湖縣東而北流入于河魏王地記曰弘農湖縣有

軒轅黃帝登仙處黃帝採首山之銅鑄鼎于荆山之

下有龍垂胡于鼎黃帝登龍從登者七十人遂升于

天故名其地為鼎胡

案近刻訛作湖

荆山在馮翊首山在蒲

坂與湖縣相連晉書地道記太康記並言胡縣也漢

武帝改作湖俗云黃帝自此乘龍上天也地理志曰

京兆湖縣有周天子祠二所故曰胡

案近刻訛作胡

不言黃

帝升龍也山海經曰西九十里曰夸父之山其木多

楓柟多竹箭其陽多玉其陰多鐵其北有林焉名曰

桃林其中多馬湖水出焉北流注于河故三秦記曰

桃林塞在長安東四百里若有軍馬經過好行則牧

華山休息林下惡行則決河漫延人馬不得過矣河

水又東合柏谷水

案此八字原本及
近刻並訛作經

水出弘農縣南

石隄山

案南近刻
訛作兩

山下有石隄祠銘云魏甘露四年

散騎常侍征南將軍豫州刺史領弘農太守南平公

之所經建也其水北流逕其亭下晉公子重耳出亡

案晉近刻
訛作昔

及柏谷卜適齊楚狐偃曰不如之翟漢武

帝嘗微行此亭見饋亭長妻故潘岳西征賦曰長徵
客於柏谷妻覩貌而獻餐謂此亭也谷水又北流入
于河河水又東右合門水案此八字原本及近刻並訛作經門水即
洛水之枝流者也洛水自上洛縣東北于拒陽城西
北案近刻脫陽字分為二水枝渠東北出為門水也門水又
東北歷陽華之山即山海經所謂陽華之山案即字下近刻

衍華陽

門水出焉者也又東北歷峽謂之鴻闕水水

東有城

案近刻脫二字一水字

即闕亭也水西有堡謂之鴻闕堡

案近刻

訛作島世亦謂之劉項裂地處非也余按上洛有鴻

臚園池是水津渠沿注故謂斯川為鴻臚澗鴻闕之

名乃起是矣門水又東北歷邑川二水注之

案二近刻訛作

燭

左水出于陽華之陰

案近刻訛作陽

東北流逕盛牆亭西

東北流與右水合右水出陽華之陽

案近刻訛作陰

東北流

逕盛牆亭東東北與左水合

案近刻脫一東字

即山海經所

謂繒姑之水出于陽華之陰東北流注于門水者也

案繒姑近刻作繒姑下同

又東北燭水注之水有二源左水南出

于衙嶺

案原本及近刻並訛作衡
嶺下同今據漢書改正

世謂之石城山其

水東北流逕石城西東北合右水右水出石城山東

北逕石城東東北入左水地理志曰燭水出衙嶺下

谷

案燭漢書作燭

開山圖曰衙山在函谷山西南是水亂流

東注于緝姑之水二水悉得通稱矣歷澗東北出謂

之開方口水側有阜謂之方伯堆

案謂近刻作名

宋奮武將

軍魯方平建武將軍薛安都等

案武近刻訛作威

與建威將

軍柳元景北入軍次方伯堆者也堆上有城即方平

所築也

案平近刻
訛作伯

又東北逕邑川城南

案邑近刻
訛作入

即

漢封竇門之故邑

川受其名亦曰竇門城在函谷關

南七里又東北田渠水注之

案渠下近刻
荷川字

水出衙山之

白石谷

案近刻脫水
字衙訛作衡

東北流逕故丘亭東是薛安都

軍所從城也其水又逕廉蹠山西山石之上有廉蹠

自然成著

案近刻
訛作者

非人功所刊歷田渠川謂之田渠

水西北流注于燭水燭水又北入門水水之左右即

函谷山也門水又北逕弘農縣故城東城即故函谷

關校尉舊治處也終軍棄繻于此燕丹孟嘗亦義動
雞鳴于其下可謂深心有感志誠難奪矣昔老子西
入關尹喜望氣于此也故趙至與嵇茂齊書曰李叟
入秦及關而嘆亦言與嵇叔夜書及關尹望氣之所
異說紛綸並未知所定矣漢武帝元鼎四年徙關于
新安縣以故關為弘農縣弘農郡治王莽更名右隊
劉桓公為郡虎相隨渡河光武問而善之其水側城
北流而注于河河水于此有湧津之名

案注近刻訛作洹說

者咸云漢武微行柏谷遇辱竇門又感其妻深識之

饋既返玉階厚賞賚焉賜以河津令其鬻渡今竇津

是也

案津下近刻行者字

故潘岳西征賦云

案近刻脱云字

酬匹婦其

已秦胡厥夫之謬官袁豹之徒並以為然余按河之

南畔夾側水瀆有津謂之洹津河北縣有洹水

案此下近刻

刻衍洹津其水四字南入于河河水故有洹津之名不從門始

蓋事類名同故作者疑之

案疑近刻亂作是

竹書穆天子傳

曰天子自寘輶乃次于洹水之陽丁亥入于南鄭考

其沿歷所踵

案近刻訛作鍾

路直斯津以是推之知非因門

矣俗或謂之偃鄉澗水也河水又東左合一水

案近刻東

訛作有合

其水二源疏引

案二近刻作三下同

俱導薄山

案近刻東

水南流會成一川其二水之內世謂之閑原言虞芮

所爭之田所未詳矣又南注于河河之右曹水注之

案近刻乏訛作

水出南山北逕曹陽亭西陳涉遺周

水曹訛作會

章入秦少府章邯斬之于此魏氏以為好陽晉書地

道記曰亭在弘農縣東十三里其水西北流入于河

河水又東蓄水注之水出常烝之山西北逕曲沃城
南又屈逕其城西西北入河諸注述者咸言曲沃在
北此非也魏司徒崔浩以為曲沃地名也余按春秋
文公十三年晉侯使詹嘉守桃林之塞處此以備秦
時以曲沃之官守之故曲沃之名遂為積古之傳矣
河水又東得七里澗澗在陝城西七里案近刻
脫城字故因
名焉其水自南山通河亦謂之曹陽坎是以潘岳西
征賦曰行于漫瀆之口憇于曹陽之墟袁豹崔浩亦

不非其地矣余按漢書昔獻帝東遷逼以寇難李傕
郭汜追戰于弘農澗天子遂露次曹陽楊奉董承外
與傕和內引白波李樂等破傕乘輿于是得進復來
戰奉等大敗兵相連綴四十餘里方得達陝以是推
之似非曹陽然以山海經求之苗曹字相類是或有
曹陽之名也河水又東合淇水案淮水近刻訛作譙譙

水導源

常烝之山俗呼之為干山

案干近刻訛作于

蓋先後之異名

也山在陝城南八十里其川

案此下近刻行流也二字

二源雙導

同注一壑而西北流注于河

又東過陝縣北

橐水出橐山西北流又有崖水

案崖近刻作于

出南山北谷

案近刻訛作合

逕崖峽北流與干山之水會

案

干近刻赤

訛作于下同

水

出干山東谷

案近刻脱水字

兩川合注于崖水又東北注橐

水橐水北流出谷謂之漫澗矣與安陽溪水合水出石崎南西逕安陽城南漢昭帝封上官桀為侯國

案昭

帝近刻訛
作武帝

潘岳所謂我徂安陽也東合漫澗水水北

有逆旅亭謂之漫口客舍也又西逕陝縣故城南

案此

八字原本及近刻並訛作經今

考上下文乃注內叙橐水所逕

又合一水謂之瀆谷

水南出近溪北流注橐橐水又西北逕陝城西西北

入于河

案注內叙橐水終于此

河北對茅城故茅亭茅戎邑也

公羊曰晉敗之大陽者也津亦取名焉春秋文公三

年秦伯伐晉自茅津濟封崤戶而還是也東則咸陽

澗水注之水出北虞山南至陝津注河河南即陝城

也昔周召分伯以此城為東西之別東城即虢邑之

上陽也虢仲之所都為南虢三虢此其一焉其大城

中有小城故焦國也武王以封神農之後于此王莽

更名黃眉矣戴延之云城南倚山原北臨黃河懸水

百餘仞臨之者咸悚惕焉西北帶河水湧起方數十

丈有物居水中父老云銅翁仲所沒處案沒近刻
訛作投

又

云石虎載經于此沈沒二物並存水所以湧所未詳

也或云翁仲頭髮常出水之漲減恒與水齊晉軍當

至髻不復出今惟見水異耳嗟嗟有聲聲聞數里按

秦始皇二十六年長狄十二見于臨洮長五丈餘以
為善祥鑄金人十二以象之各重二十四萬斤坐之
宮門之前謂之金狄皆銘其首云皇帝二十六年初
兼天下以為郡縣正法律同度量大人來見臨洮身
長五丈足六尺李斯書也故衛恒叙篆曰秦之李斯
號為工篆諸山碑及銅人銘案近刻
脫碑字皆斯書也漢自
阿房徙之未央宮前俗謂之翁仲矣地皇二年王莽
夢銅人泣惡之念銅人銘有皇帝初兼天下文使尚

方工鐫滅所夢銅人膺文後董卓毀其丸為錢其在者三魏明帝欲徙之洛陽重不可勝至霸水西停之漢晉春秋曰或言金狄泣故留之石虎取置鄴宮苻堅又徙之長安毀二為錢其一未至而苻堅亂百姓推置陝北河中于是金狄滅余以為鴻河巨瀆故應不為細梗躡湍長津碩浪無宜以微物屯流斯水之所以濤波者蓋史記所云魏文侯二十六年虢山崩壅河所致耳獻帝東遷日夕潛渡案日近刻訛作自陸抗爭

舟舟指可掬亦是處矣

又東過大陽縣南

交澗水出吳山東南流入河河水又東路澗水亦出
吳山東逕大陽城西西南流案此下近刻行注水二字入于河河

水又東逕大陽縣故城南

案此十一字原本及近刻並訛作經

竹書紀

年曰晉獻公十有九年獻公會虞師伐虢滅下陽虢

公醜奔衛獻公命瑕父呂甥邑于虢都地理志曰北

虢也有天子廟王莽更名勤田應劭地理風俗記曰

城在大河之陽也

案在近刻
案此九字原本及訛作南

河水又東沙澗水注之

近刻並訛作經

水北出虞山東南逕傅巖歷傅說

隱室前俗名之為聖人窟孔安國傳傅說隱于虞虢

之間即此處也傅巖東北十餘里即顛輶坂也春秋

左傳所謂入自顛輶者也有東西絕澗左右幽空窮

深地壑中則築以成道指南北之路謂之為輶橋也

傅說傭隱止息于此高宗求夢得之是矣橋之東北

有虞原原上道東

案近刻脫
一原字

有虞城堯妻舜以嬪于

虞者也周武王以封太伯後虞仲于此

案後近刻
記作弟是

為虞公晉太康地記

案近刻脫晉
字康記作原

所謂北虞也城東

有山世謂之五家冢冢上有虞公廟春秋穀梁傳曰

晉獻公將伐虢荀息曰君何不以屈產之乘垂棘之

璧假道于虞公曰此晉國之寶也曰是取中府置外

府也公從之及取虢滅虞乃牽馬操璧璧則猶故馬

齒長矣即宮之奇所謂

案所下近
刻衍以字

虞虢其猶輔車相

依胥亡則齒寒虢亡虞亦亡矣其城北對長坂二十

許里謂之虞坂戴延之曰自上及下七山相重戰國

策曰昔騏驥駕鹽車上于虞坂遷延負轍而不能進

此蓋其困處也橋之東北山溪中

案之近刻
訛作水

有小水

西南注沙澗

案注近刻
訛作流

亂流逕大陽城東河北郡治

也沙澗水南流注于河

案近刻脫涉字
流下衍逕字

河水又東左

合積石土柱二溪

案近刻東下衍右
字合亦訛作右

竝北發大陽之

山南流入于河是山也亦通謂之為薄山矣故穆天

子傳曰天子自鹽已丑南登于薄山賓軒之登

案近刻脫

山宇乃宿于虞是也

又東過砥柱間

砥柱山名也昔禹治洪水山陵當水者鑿之故破山以通河河水分流包山而過山見水中若柱然故曰砥柱也三穿既決水流疏分指狀表目亦謂之三門矣山在虢城東北大陽城東也搜神記稱齊景公渡于江沈之河龜銜左膝沒之衆皆惕古治子于是拔劖從之邪行五里逆行三里至于砥柱之下乃龜也

左手持龜頭右手挾左膝燕躍鵠湧而出仰天大呼
水為逆流三百步觀者皆以為河伯也亦或作江沅
字者也若因地而為名則宜在蜀及長沙按春秋此
二土並景公之所不至古治子亦無因而騁其勇矣
劉向叙晏子春秋稱古治子曰吾嘗濟于河龜銜左
驂以入砥柱之流當是時也從而殺之視之乃龜也
不言江沅矣又考史遷記云景公十二年公見晉平
公十八年復見晉昭公旌軒所指路直斯津從龜砥

柱事或在茲又云觀者以為河伯賢于江沅之證河
伯本非江神又河可知也河之右側崤水注之

案側近刻

訛作則又此八字原本及近刻並訛作經

水出河南盤崤山西北流水上

有梁俗謂之鴨橋也歷澗東北流與石崤水合水出
石崤山山有二陵南陵夏后臯之墓也北陵丈王所
避風雨矣言山徑委深峯阜交蔭故可以避風雨也
秦將襲鄭蹇叔致諫而公辭焉蹇叔哭子曰吾見其
出不見其入晉人禦師必于崤矣余收爾骨焉孟明

果覆秦師于此崤水又北左合西水

案左下近刻衍右字

亂流

注于河河水又東千崤之水注焉

案此十字原本及近刻並訛作經

水南導于千崤之山其水北流纏絡二道漢建安中

曹公西討巴漢惡南路之險故更開北道自後行旅

率多從之今山側附路有石銘云晉太康三年弘農

太守梁柳修復舊道太崤以東西崤以西明非一崤

也西有二石又南五十步

案近刻作五六十步

臨溪有恬漠先

生翼神碑蓋隱斯山也其水北流注于河河水翼岸

夾山魏峯峻舉

案峻近刻訛作岐

羣山疊秀重嶺干霄鄭玄

按地說河水東流貫砥柱觸閼流今世所謂砥柱者蓋乃閼流也砥柱當在西河未詳也余按鄭玄所說非是西河當無山以擬之

案擬近刻訛作礙

自砥柱以下五

戶已上其間百二十里河中竦石傑出

案中近刻訛作水

勢

連襄陸蓋亦禹鑿以通河疑此閼流也其山雖闢尚梗湍流激石雲洄澴波怒溢合有十九灘水流迅急勢同三峽破害舟船自古所患漢鴻嘉四年楊焉言

從河上下患砥柱隘可鐫廣之上乃令焉鐫之裁沒

水中不能復去而令水益湍怒害甚平日魏景初二

年二月帝遣都督沙丘部監運諫議大夫寇慈案近刻訛

作茲帥工五千人

案近刻脫工字

歲常修治以平河阻

案近刻訛脫以字

晉泰始三年正月

案近刻訛作秦始皇三年五月

武帝遣監運大中

大夫趙國都匠中郎將河東樂世帥衆五千餘人修

治河灘事見五戶祠銘雖世代加功水流湍湧濤波

尚屯及其商舟是次鮮不踟躇難濟故有衆峽諸灘

之言五戶灘名也有神祠通謂之五戶將軍亦不知所以也

又東過平陰縣北清水從西北來注之

清水出清廉山之西嶺世亦謂之清營山其水東南
流出峽峽左有城蓋古關防也清水歷其南東流逕
臯落城北服虔曰赤翟之都也世謂之倚毫城蓋讀
聲近轉案近刻訛作傳因失實也春秋左傳所謂晉侯使太
子申生伐東山臯落氏者也與倚毫川水合水出北

山礦谷東南流注于清清水又東逕清廉城南又東

南流右會南溪水

案近刻右訛作
又水訛作溪

水出南山而東注

清水清水又東合乾棗澗水

案近刻
脫乾字

水出石人嶺下

案石近刻
訛作左

南流俗謂之扶蘇水又南歷奸苗北馬頭

山亦曰白水原西南逕垣縣故城北史記魏武侯二

年城安邑至垣即是縣也其水西南流注清水

案流
注二

字近刻訛在初
會清流句下

水色白濁

案近刻
脫水字

初會清流乃有玄

素之異也清水又東南逕陽壺城東即垣縣之壺丘

亭

案丘亭上原本及近刻並重城東即垣縣之壺七字

晉遷宋五大夫所居也

清水又東南流注于河河水又東與教水合

案此八字原本

及近刻並訛作經

水出垣縣北教山南逕輔山山高三十許

里上有泉源

案近刻脫源字

不測其深山頂周圓五六里少

草木山海經曰孟門東南有平山水出于其上潛于

其下又是王屋之次疑即平山也其水南流歷鼓鍾

上峽懸洪五丈飛流注壑夾岸深高壁立直上輕崖

秀舉

案輕近刻訛作經

百有餘丈峰次青松巖懸頹石于中

歷落有翠柏生焉丹青綺分望若圖繡矣水廣十許

步南流歷鼓鍾川分為二澗一澗西北出百六十許

里山岫迴岨繞通馬步今聞喜縣東北谷口猶有乾

河里故溝存焉今無復有水一水歷治官西世人謂

之鼓鍾城城之左右猶有遺銅及銅錢也城西阜下

有大泉西流注澗與教水合伏入石下南至下峽山

海經曰鼓鍾之山帝臺之所以觴百神即是山也其

水重源又發案又近刻
訛作雙南至西馬頭山東截坡下又

伏流南十餘里復出又謂之伏流水南入于河山海

經曰教山教水出焉而南流注于河

案而近刻訛作又

是水

冬乾夏流寔惟乾河也今世人猶謂之為乾澗矣河

水又與畛水合

案此七字原本及

水出新安縣青要

山今謂之疆山

案近刻並訛作經

並訛作經

下衍山海經曰河長澗七字

其水

北流入于河山海經曰青要之山畛水出焉即是水

也河水又東正回之水入焉水出驅山疆山東阜也

東流俗謂之疆川水與石瓜疇川合

案近刻訛作與

石等瓜川合

水出西北石澗中

案近刻
脫水字

東南流注于疆川水疆川

水又東逕疆冶鐵官東東北流注于河河水又東合

庸庸之水

案此九字原本及
訛作南

水出河東垣縣宜蘇山

案東近刻
訛並訛作經

俗謂之長泉水山海經曰水多黃貝伊洛

門也其水北流分為二水一水北入河一水又東北

流注于河河水又東逕平陰縣北

案此九字原本及
近刻並訛作經

地理風俗記曰河南平陰縣故晉陰地陰戎之所居

又曰在平城之南故曰平陰也三老董公說高祖處

陸機所謂皤皤董叟謨我平陰者也魏文帝改曰河

陰矣河水又會湊水

案此六字原本及近刻並訛作經

水出垣縣王

屋山西湊溪

案山西近刻訛作西山

夾山東南流逕故城東即

湊關也漢光武建武二年遣司空王梁北守湊關天

井闕擊赤眉別校皆降之獻帝自陝北渡安邑東出

湊關即是關也湊水西屈逕關城南歷軼關南逕苗

亭西亭故周之苗邑也又東流注于河經書清水非

也是乃湊水耳

案清水入河處在平陰縣西湊水則在縣東經于大河東過平陰縣北之

下乃言清水注河

故道元辨其非

又東至鄧案此四字原本及近刻並訛在上句清水從西北來注之上考湧水入河之後河乃至鄧而平縣又在其東今濟源縣西有湧水有苗亭孟縣西南有鄧城道元叙河水又東逕平縣故城北即云河水斯有盟津之目盟津值今孟縣南上注不言經

誤然則二語上下倒亂在道元後矣今訂正

洛陽西北四十二里故鄧鄉矣案此十二字原本及近刻並訛在後條注

內南臨孟津河

之下今訂正

水經注卷四



總校官庶吉士臣張能照
校對官助教臣金學詩
謄錄監生臣趙興吾